

INUIT ATAQATIGIIT

Inatsisartuni



14. februar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Namminersorluni Oqartussani atorfiit qanoq amerlatigisut nunatta avataanit tikisitsinikkut inuttaqartinneqarpat?**
- 2. Atorfiit sorliit nunatsinni nunaqavissunit inuttalerneqarsinnaaner at ajornartorsiutaanerpaasarpa? Tamatumani suna pequtaaneruserpa?**
- 3. Akisussaaffiit nunatsinnut tunngassuteqartut qallunaat naalangaaffianit isumagineqartut nunatsinni nammineq akisussaaffigalugit ingerlatilissangaluarutsigit atorfiit suut/sorliit pisariaqartinneqarnerpaassangaluarpat?**
- 4. Ilinniakkanut ingerlariaqqiffiusunut ilinniartut ilinniakkaminnik naammassiinarlutik suna aporfiginerpaasarpaat?**

(Inatsisartuni ilaasortaq Bendt B. Kristiansen, Inuit Ataqatigiit)

Tunngavilersuut:

Nunarput namminersulivinnissamik anguniagaqartoq ukiuni makkunani ilinniarsimassutsikkut imminut piorsarniarsarileruttorpoq, oqittuinnaangittumik.

Nunatsinni qulakkeertariaqarparput sapinngisaq naapertorlugu nunaqavissunik ilinniarsimassutsikkut amerlanerpaanik nunatta allaffissornikkut aqunneqarnissaa - minnerunngittumik inuussutissarsiornermi ingerlataqartut nunarsuarmi unammillerfiusumi unammillersinnaassuseqartut piginissai.

Nunatta namminersulivinnissaata qanilliaruaarnerani nunarput ilinniarsimassutsikkut piareersimasariaqarpoq nunarsuarmi unammilleqatigiiffiusumi eqaattumik unammilleqataasinnaaneq peqataaffigisinnaassaguniuk, oqaatsitigut aammalu aqutsinikkut.

Sulisullu ataavartumik nunatsinni najugallit, ilisimasaqarluartut, kalaallisullu oqalussinnaasut pisariaqartikkatsigit ersarissumik siunertaqarnissaq ujartorparput. Ilinniakkanuku sorliit ilinnialersussanut kaammattuutigissagigut neqeroorutigalugillu.

Kissaatigivara apeqquatika ullut suliffiusut qulit qaangiutinnginneranni akineqarnissaat.